

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» ապրիլի 2013թ.

N-----Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2012 թվականի դեկտեմբերի 25-ի հ.580-Ն որոշմամբ հաստատված հավելվածի 3-րդ կետով՝

Երևան քաղաքի ավագանին որոշում է.

Թույլատրել Երևանի քաղաքապետին Երևան համայնքի սեփականություն համարվող Հալաբյան փողոցի հ.57 շենքի հ.8՝ 36.1քմ ընդհանուր մակերեսով բնակարանը (անշարժ գույքի սեփականության (օգտագործման) իրավունքի գրանցման 20.10.2008թ. հ.2450559 վկայական) սեփականության իրավունքով անհատույց օտարել (նվիրել) Լատուրա Ռուբենի Ադամյանին և Արթուր Ռուբենի Հովհաննիսյանին:

ԵՐԵՎԱՆԻ ՔԱՂԱՔԱՊԵՏ**Տ. ՄԱՐԳԱՐՅԱՆ**

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՀԱՄԱՅՆՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ՎԵՐԱԲԵՐՑԱԼ

Սույն որոշման նախագծով նախատեսվում է Հալաբյան փողոցի հ. 57 շենքի հ.8՝ 36.1քմ մակերեսով բնակարանը սեփականության իրավունքով անհատույց օտարել /նվիրել/ Լաուրա Ռուբենի Ադամյանի ընտանիքին:

Լաուրա Ադամյանը 1993 թ.-ից իր տղայի հետ փաստացի բնակվում է Հալաբյան փող. 57 շենքի թիվ 8 բնակարանում /հիմք՝ Երևան քաղաքի Հալաբյան փող. 57 շենքի բնակիչների հայտարարությունը՝ հաստատված Երևանի Աջափնյակ վարչական շրջանի «Դար-21» համատիրության կնիքով, այնուհետև փաստացի հաշվառվել է՝ 2006թ.-ից /հիմք՝ Մաշտոցի բնակչության պետական ռեգիստրում հաշվառման մասին հ. 337447 տեղեկանքը/:

Քաղ. Լ. Ադամյանը 2008թ. դիմել է Երևան քաղաքի Աջափնյակ և Դավթաշեն համայնքների ընդհանուր իրավասության դատարան՝ ձեռքբերման վաղեմության ուժով բնակարանի նկատմամբ սեփականության իրավունքը ճանաչելու պահանջի մասին և 29.12.2008թ. /գործ թիվ ԵԱԴԳ /0209/02/08/ վճռով մերժվել է:

Այնուհետև Լ.Ադամյանը 2009թ. մարտին դիմել է ՀՀ վերաքննիչ քաղաքացիական դատարան /գործ թիվ ԵԱԴԴ 0209/02/08/՝ վաղեմության ուժով բնակարանի նկատմամբ սեփականության իրավունքը ճանաչելու պահանջով: Վերաքննիչ դատարանը բեկանել է առաջին աստիճանի դատարանի 2008թ. դեկտեմբերի 29-ի թիվ ԵԱԴԴ 0209/02/08/ վճիռը և բավարարել է Լ. Ադամյանի դիմումը:

Սակայն 2009թ. օգոստոսի 11-ին ՀՀ վճռաբեկ դատարանը քննելով Երևանի Աջափնյակ թաղային համայնքի ղեկավարի վճռաբեկ բողոքը՝ վերաքննիչ քաղաքացիական դատարանի 26.03.2009թ. որոշման դեմ և վճռել է բեկանել վերաքննիչ դատարանի որոշումը և օրինական ուժ տալ Երևանի Աջափնյակ և Դավթաշեն համայնքների ընդհանուր իրավասության դատարանի 29.12.2008թ. վճիռը:

Լ.Ադամյանը 1993թ.-ից մշտական բնակվելով այդ բնակարանում փաստացի տիրապետել է այն, պարտաճանաչ կատարել է շենքի սպասարկման և բնակարանի կոմունալ վճարումները:

Նկատի ունենալով, որ Լ.Ադամյանի ընտանիքը փաստացի առանց իրավահաստատող փաստաթղթերի բնակվում է Հալաբյան փողոցի հ. 57 շենքի հ.8՝ 36.1քմ մակերեսով բնակարանում, իսկ Երևան քաղաքի ավագանու 2012 թվականի դեկտեմբերի 25-ի հ.580-Ն որոշմամբ հաստատված ծրագրի համաձայն Երևանի քաղաքապետի որոշմամբ կարող են սեփականության իրավունքով անհատույց օտարվել համայնքային սեփականություն հանդիսացող բնակարանները կամ բնակելի տները միայն այն անձանց, ովքեր փաստացի բնակվում և հաշվառված են տվյալ բնակարաններում կամ բնակելի տներում՝ ներկայացնելով բնակարանը զբաղեցնելու իրավահաստատող փաստաթղթեր, նշված հասցեում գտնվող բնակարանը

սեփականության իրավունքով անհատույց օտարելու համար անհրաժեշտություն է առաջացել
կայացնելու Երևան քաղաքի ավագանու համապատասխան որոշում, որով կլուծվի Լ.Ադամյանի
ընտանիքի բնակարանային հարցը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՅԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման առնչությամբ այլ իրավական
ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՂԵՏ

Տ.ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման կապակցությամբ Երևանի բյուջեում
չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ